

principia verò physica limitantur à mixto , & ex elementis.

4 Initium significat inceptionem , vnde puto quod magis latè pateat principium quam initium , quia omne , quod est initium , est principium , aut principiuim rei dici potest : non tamen omne , quod principium est , dici potest initium ; quapropter a Diuinis personis ratio initij remouenda est , vt cum cæteris Theologis , docet Pater Vasquez tomo 2. primæ partis disp. 39. cap. 1. licet namq; Pater æternus sit principium Filij , non tamen initium est , quia Filius nūquam incēpit de nouo , quamuis Deus initium creaturarum dici possit , quia creaturæ a Deo cęperunt esse .

Elementum autem solum dicit causam internam , siue intrinsecam , aut causas intrinsecas componentes totum , videlicet partem perfectibilem , & perfectiuam . causa vero non solum elementa comprehendere habet , verum & causas exterinas , ut potè efficientem , & finalem , vnde clarè constat magis latè patere causam , quam elementum .

6 Deducendum est ergo ex dictis non esse idem , causa , elementum , initium , & principium , & consequens non esse ista inter se synonima , sed potius æquiuoca .

7 Vnum tamen aduerto , quod videlicet non omne quod habet principium dicitur principiarum , quia in diuinis , vt dictū est , Pater est principium Filij , Filius tamen nunquam vocatur a Patre principiatum ; principiatum etenim idem ac factum sonat , vel id , quod habet initium essendi , ac proinde cor elatiuum principij non debet dici principiatum , sed a principio procedēs , quamuis per principiatum nihil aliud intelligatur quam id , quod a principio procedit , siue id , quod habet principium ; dici tamen potest principiatum correlatiuum principij .

SECTIO II.

Definitio principiorum naturalium propalatur.

8 **V**olebam hic Aristotelis principio naturali definitiō nem adducere , at quia ista principia in suo sensu capere non possum , illam relinquo , quamuis fortassis cum eis dicendis collecturus sim illam secundum usum communem omnium philosophorum . Tria principia physica rebus assignata re-